

և յաւուրաց անտի նաճապետին՝ Նոյի տսեն սկսեալ փորել։ զլսաւոր դոք աղաճանիցն ձգի 150 ոտս ընդ երկայնն։ Հայոյ ուսման յանձնեալ է Ռուսաց տէրութեան զաղաճանքս և առնու բաժ 50,000 Ֆրանգաց, ամի ամի հատանի աղ բաւական ՚ի պէտս 550,000 մարդկան։ Գոյ և լճակ մի աղի առ Գաւառի գիւղիւ յոտս ոտայ միոյ Արարատայ յորում բնակեն 75 տուն հայք։ — Յեղից կողքայ կայ Սաբալու գետը, և ՚ի հիւսիսոյ նորա յանկեան խառնորդոց Չնչաւատայ յԵրասխա՝ յ'2850' բարձու Գաւառի աւերակ հնոյ քաղաքի կամ աւանի, ամրացելոյ հզօր պարսպօք և քարաժեռիւք։ Են առ նովաւ մեծամեծ գերեզմանք յորվք հայոց և թաթարաց։ Միւս ևս նշանաւոր տեղի աւերակաց է Ամար գետը առ նովին ափամբ գետոյն հեռագոյն կիսօրէիւ։ Ի հարաւոյ սուրին և ՚ի մտից Գաղաւուտուն լերին կայ Իլիք կամ Իլիքի գետը մեծ 130 հայ գերդաստանօք։

137. Ի հարաւակողմին արեւելից գաւառին Սուրմառոյ, միջասահման բաժնի երկից ինքնակալութեանց՝ ընդ որս այժմ բաժանեալ է աշխարհս հայոց, ամբառնան յաւերժական արձանք երկրի տեղեկեալսն (յորոյ հարաւակողման կան), և զլսաւորի աշխարհաց կամ նաճապետաց երկրիս հայոց՝ Արարատայ, և սա յանուն Արայի Գեղեցիկի, ըստ հնապատում աւանդութեանց աղբիւս յիշեն և Ս. Գիլքը զԵրինս Արարադայ ՚ի սկզբան անդ պատմութեան աղանց, ՚ի ձեռն Մովսիսի մարգարէի, իբր չորիւք և եթ դարուք յետ Արայի կացելոյ, և ՚ի նոսին վկայեն զնիստ տապանին։ Բնիկ անուն լերանցս՝ առ տեղացիսն պահի առ Հայս, ՄԱՍԻՔ կոչեցեալ և Լէրիք Մասիք, և յաճախ ևս Մասի դարձրադոցն կատարն իմանալով և զայս՝ յանուն Ամսիսայ նաճապետի նախահաւուն Արայի տսեն կոչեալ, (որ և շինեաց յարեմտից հիւսիսոյ լերինն զՓառախոս և զՅուսիէս աւանս), և կամ Մարասկայ ընդոննի Արարատու հատուածելոյ յԻսահակայ ՚ի Հայս, ըստ այլոյ պատմիչ։ Կոչն և այլ պէսպէս մակագրական անուամբք, Ալաք, Աւաք, Թաւ, Միւն, Սէա և Էառն, և ՚ի աւմկաց Մաւ ալիարէ, Էառն Նոյի ՚ի Պարսից, և Ալաք կամ Ալաք տող ՚ի թուրքաց։ Անուանի ՚ի սկզբանցն և այսր, վասն տապանին ՚ի նմա հանգստեան, և երկրորդ խանձարուք մարդկութեանս լինելով, յոր սակս և արդարապէս կարգի ընդ սրբազան տեղիս, և ուխտադնացութեամբ պատուեալ է անդստին ՚ի վաղ ժամանակաց հեթանոսութեան և ՚ի դարս քրիստոնէութեան և բազում առասպելս և զորոյս յոգեալ է զնմանէ վկայասանիցն հայոց զիցապաշտից։ Նշանաւոր է և վասն բարձրութեանն, զի յետ կովկասեանն Էլպուրդայ առաջին է բարձրութեամբ ՚ի լերինս արեւմտեան Ասիոյ, ունելով յերեսաց Սեաւ ծովու ՚ի վեր 16284' և ևս առաւել վասն բարձրագիտակ կերպարանացն շեղման ամբարձմամբն, որպէս յարեմտեան հարաւային կողմանց յերեսաց դաշտին Երասխայ վերամբառնայ ոտս ոչ պակաս քան զ'13300, ահեղ ինն և գերահաշտ տեպլեամբ, զոր գերեթէ չիք այլուրեք տեսանել, ոչ ՚ի Կովկաս և ոչ ՚ի հսկայան երկրի ՚ի

լերինս Հնդկաց և Անդեայց Ամերիկոյ։ այսպէս և ըստ հեռուստ վայրաց ՚ի տեա գալոյ՝ ըստ ոմանց գերեթէ զամենեւումբ գլէ, հաւասարելով յայսմ ծայրագունին լերանց հիմալայայ, նշմարեալ յափանց կաղբիականին ՚ի բացէ 200 և աւելի մղոնաց։ Երրորդ անգամ, զարմանալի և բնութեամբն, այսինքն է կաղմուածոմն, գոլով միաստանի որձաքար պորփիւր ցցուեալ յերկրի, և հրաբուխ ահաւոր շիջեալ ՚ի հաղարաց ամաց, այլ ոչ խալառ դադարեալ։ հիւսիսային ստորոտքն երկայնեալ տարածին ՚ի դաշնս Երասխայ, խորովեօք և քարակարկառ կոճակօք, արեւելակողմն խճախառն և աւազուտ, ըստ հարաւոյ կուսէ անձուկ լեռնադաշտակաւ կցեալ ընդ այլում լերին որ Փալ Մասի կոչն, և երրորդ է բարձրութեամբ ՚ի չափեալ կատարս լերանցն հայոց, ունելով 12284', իսկ արեւմտեան ոտքն ՚ի լերինս մանունս յանգին։ Ի հասարակի ստորին կողմանցն աւազուտք և առապարք են, միջավայրքն բուսաբեր և քարուտ, և քարինքն յաճախակի լաւա, պորփիւր, բուցցոլեան հող, աւաղ և աղ ինչ։ այլ բազում ուրեք անհեղեղք և խառն ՚ի խուռն ինն կառուցեալք, ՚ի մեծ և ՚ի բուռն ցնցմանց երկրի կերպարանեալք։ և վերնակողմն յ'12000 ոտից և ՚ի վեր համակ ձիւնապատ է 4000 ոտնեայ վերարկուաւ անլուծանելի սառամանեաց։ և ՚ի քղանցից անտի սառամանեացն ՚ի հիւսիսոյ կուսէ ցեօլն Արկուռն՝ պատառեալ է Լեառնն 6000 ոտս ընդ խոնարհ։ ՚ի վաղնույց ուրեմն հրաբուխ վերաշնչմանց, զոր յիշէ և մերս վիպահայր Մովսէս Խորոնեցի, և վիճ Մասիք կոչէր կամ Փալաք Բէ, յորում արգելեալ ասէին վիպասանքն հայոց զԱրտաւազք արքայ և ՚ի Գալաց պահալ, զի մի ելեալ և աշխարհի աւեր և վախճան հասուսցէ։ ընդ այն խաղային ուղիք ՚ի հալից ձեանց։ Ի կուշտ մի քարակոհակ վճին շինեալ էր մենաստանն Ս. Գալի, ՚ի տեղով գադարման Մծնեցեաց հայրապետին յեւանել իւրում ՚ի խնդիր փայտից նոյեան տապանին, ըստ աղբիւս մերոյ աւանդութեան, մենաստան փոքր և պարտեղ։ և ՚ի վերոյ լուսաղբիւր ջնջի մարտիոյ յ'7620' բարձրութեան։ Ստորե քան զսա կայր Ալաք կամ Արիաք գիւղ ՚ի 5982' բարձու, ՚ի տեղով այգւոյն անկելոյ ՚ի Նոյայ, ըստ աւանդութեան, առ որոյ յիշատակէ անկեալ գարմանէին այգիք ստորն ՚ի 4013' բարձու։ իսկ ՚ի գեղն բնակէին 300 տուն հայոց, և ունէին եկեղեցի հին և գերեզմանատեղի հաղարամեայ արձանագրովք, ցամ տեսան 1840) յորում ՚ի քսաներորդի աւուր ամսեան յունիսի՝ սասանութիւն մեծ եղև ՚ի դաշտին և ՚ի լերինս Արարատայ, որ և ընդհատ և նուազ ժաժիք տեսաց աւելի քան զերկու ամիս, կենդրոն ցնցմանց ունելով ըզբարձրն Մասիս։ որոյ յետ բազում գարուց ՚ի յուշ ինն բերեալ զնախկին հրամուղ եռանդն, ահեղ ուրոտմամբ և վերապատառմամբ արձակեաց բոցախառն ծուկս սեւաւ։ և մեծապէս շարժեալ դողգեցաւ, ինքն և դաշնս առհասարակ և անգրադոյնք ևս սահմանք։ և միջցեռ բազում ուրեք երկիրն խորխուրեալ պատառք, և շինուածք տապալեալ կործանէին, և գետն Երասխ օժանդակօք իւրովք ալէկոծեալ ընդ հուն